



17 FEB, 2025

Bekalan kelapa cukup Ramadan ini - FAMA

Kosmo, Malaysia

Page 1 of 2



DATUK Bandar Majlis Bandaraya Johor Bahru, Datuk Mohd. Haffiz Ahmad (dua dari kanan) ketika menyampaikan sijil penghargaan pada program FAMA di Johor Bahru semalam. – BAZLAN IBRAHIM

Bekalan kelapa cukup Ramadan ini – FAMA

- 640 tan metrik sebulan dibawa dari Indonesia, Sabah dan Sarawak
- Orang ramai diminta usah bimbang

Oleh MOHAMAD FAIZAL HASHIM

JOHOR BAHRU – Lembaga Pemasaran Pertanian Persekutuan (FAMA) memberi jaminan bekalan kelapa mencukupi menjelang Ramadan, pada awal Mac ini.

Timbalan Ketua Pengarahnya, Shahrizan Sudiman berkata, sebanyak 640 tan metrik kelapa dibekalkan dari Indonesia, Sabah dan Sarawak ke Semenanjung setiap bulan, sejak Disember lalu.

"FAMA yakin krisis bekalan

kelapa yang berlaku sejak Julai 2024 berjaya diatasi dengan langkah intervensi yang dilaksana ini.

"Alhamdulillah, ia berjalan seperti dirancang, bekalan dari Sabah dan Sarawak akan tiba ke Semenanjung pada 20 Februari ini. Ia akan dibekal ke seluruh negeri melalui pusat operasi kita yang berada di seluruh negara.

"Insya-Allah, kita beri jaminan dari segi bekalan mencukupi dan kita turut buat kolaborasi dengan pengusaha dan pemborong kelapa di negara ini," katanya selepas Majlis Pelancaran Sambutan Ulang Tahun Penubuhan Pasar Tani yang ke-40 peringkat Johor di Pasar Tani Kekal Permas Jaya, di sini semalam.

Pada 2 Februari lalu, Bekas Pengurus Pusat Operasi FAMA Batu Pahat, Musa Abdul Kahar

dilaporkan berkata, bekalan kelapa dalam negara berkurangan 60 peratus sejak Ogos lalu susulan musim melawas yang dijangka pulih para Mei depan.

Beliau turut dilaporkan berkata, musim melawas itu paling teruk pernah melanda sekali gus menjejaskan industri penanaman kelapa susulan faktor perubahan cuaca.

Dalam pada itu, menurut Shahrizan, seluruh negara mengalami isu ini dan situasi amat kritikal khususnya di Kelantan dan kawasan Pantai Timur disebabkan penggunaan kelapa di sana lebih banyak.

"Di kawasan-kawasan kita ini (selatan), biasanya ia mencukupi sebab kita ada bekalan tempatan dan import sedikit dari Indonesia," tambahnya.



17 FEB, 2025

Bekalan kelapa cukup Ramadan ini - FAMA

Kosmo, Malaysia

SUMMARIES

- 640 tan metrik sebulan dibawa dari Indonesia, Sabah dan Sarawak • Orang ramai diminta usahbimbang

JOHOR BAHRU - Lembaga Pemasaran Pertanian Persekutuan (FAMA) memberi jaminan bekalan kelapa mencukupi menjelang Ramadan, pada awal Mac ini. Timbalan Ketua Pengarahnya, Shahrizan Sudiman berkata, sebanyak 640 tan metrik kelapa dibekalkan dari Indonesia, Sabah dan Sarawak ke Semenanjung setiap bulan, sejak Disember lalu.